

Ganawenimangid gdo binoojiiniminaanig mina bimaadiziwaad miinwaa gikinomaage gamgoon tesinag aakoziwinan.



Gikinomaage Gamig Jiita-awaaganiwin Gikinwaajibiigewin

Onji gdo binoojiinimag awii skooniwiwaad maampii Ontario, aabdeg ada dowendaagoziwog awii debinamiwaad jiita-awaaganiwin ninda eni zhibiigaadeg ashowemigag aakoziwinan:

- Baagise wiinindib Aakoziwin
- Jakanaamo (nepidanaamo-ososodam)
- Varicella (mamiitigo'omba'ibiise)
(Gewe onji binoojiinig agaa daadiziwaad 2010 maage baamaapii)
- Manijoshens bichibowin owi ojaansh aakoziwin
- Gashkadaamikanewaapine
- Babane-niboowise'aapinewin
- Miskwanzhe
- Oniiskwaapine
- Maskwanzhewin

Newen bkaan gegiikimaading ashowizo-mashkikiin, gnowaabmdan Ontario ado Jiita-awaaganiwin Inaakinigewin odi ontario.ca/vaccines.

Kina gwa giinwi gdo dowendaagozimi awii ginowendiziwin ensa bezhigowing.

Apii miindwa jiita-awaaganiwin gdo binoojiinimag, gdo gnowenimaag bwaa debinamiwaad maji doodaagewin aakoziwinan miinwaa age bkaan binoojiinig gaataawiing eyaajig.

Naagidoon owi Ontario ado Jiita-awaaganiwin Inaakinigewin

Aawiyin e'gitiziinged, ganawenimidwaa gdo binoojiinimag waankiwaad miinwaa mina bimaadiziwaad aawon memaanji shpendaagwog awii zhichigeyin. Kina binoojiinig e'skooniwijig niinwin apiinsh midaaswi shi zhaangswi epiitizijig dowendaagoziwog awii debinamiwaad jiita-awaaganiwin naagidowin owi Ontario ado Jiita-awaaganiwin Inaakinigewin. Jiita-awaaganiwin ginowenimaan binoojiinin newen niibna neniizaanag aakoziwinan e'wenipanag awii swebidemigag gikinoomaage gamgoong.

Zhiwe owi *Immunization of School Pupils Act*, binoojiinig dowendaagoziwog awii ayaamiwaad debwewin owi jiita-awaaganiwin newen manijoshens bichibowin owi ojaansh aakoziwin, gashkadaamikanewaapine, nabane-niboowise'aapinewin, miskwanzhe, oniiskwaapine, maskwanzhewin, baagise wiinindib aakoziwin, jakanaamo, miinwaa – gewe binoojiinig agaa n'daadiziwaad apii 2010 maage baamaapii - gichi-aakoziwin gaa-gii-ayaamagak, mamiitigo'omba'ibiise awii skooniwiwaad dash gaawii giishpin ayaamiwaad debwemigag bwaa dowendaagozisiwaad awii debinamiwaad. Binoojiinig gaawii moshkin agaa debinamiwaad jiita-awaaganiwin gaawi gnimaa ada baginigaasiwog awii skoniwiwaad.

Wegnesh nendowendaagwog awii zhichigeyin

Nda gikenjigen owa mina bimaadiziwin maagwed maage endinakiyin mina bimaadiziwin nakii gamig awii gagwekwendaman gdo binoojiinim ayaang kina ashoziwizo mashkikiin nendowendaagwog awii skooniwid. Giishpin gdo binoojiinim agii naagidood owi jiita-awaaganiwin inaakinigewin, gaawii ayaa-aabi ashowizo mashkikiin dowendaagosinon.

Gido gikendaan ana giin gdo inaangzhewin aawon awii wiindamaagewin gdo gdo binoojiinim shkiwii jiita-awaaganiwin zigakibiiganan odi gdo mina bimaadiziwin nakii gamig? Gdo mina bimaadiziwin maagwed gaawii wiindamaagesiiwog gdo zigakibiiganan giin onji. Awwi makaman gdo endinikiwin mina bimaadiziwin nakii gamig, maage woshme awii gikendaman owi jiita-awaaganiwin, azhaan odi ontario.ca/vaccines.

Owi woshme niizhwaag nisa biboon, ashowizo mashkikiin agii bimaajitonan bimaadiziwinan maziwe kamig!

Debinan newen ashowizo mashkikiin miinwaa ginowenim gdo inodewiziwin newen eni zhibiigaademigag aakoziwinan.

JAKANAAMO (nepidanaamo-ososodam)

Jakanaamo aawan Aazhoo'iwe aakoziwin maagwemigag gichi gnesh osasadamiwin gewe binoojiing, eshkiniigijig miinwaa netawigijig. Jakanaamowin adaa niizaanag gewe binoojiinsag. Maanda osasdamowin ada doodamaagwan gewe binoojiing awii shashigowed maage boonitaawaad nesewaad ajina. Miinwaa age miigwemigadoon maanzhi-aawang dibishko gonaa gichiwaakigwe e-agigokaad miinwaa age giwiinindib binaadag miinwaa giwiinindib binaadag gewe binoojiinsag.

VARICELLA (mamiitigo'omba'ibiise)

Mamiitigo'omba'ibiise aawan aazhoo-iwe aakosiwin maagwemigag ekoziwin, dekwemdbeng, gazhiziwin apiinzh 39 °C, giikijing miinwaa mashkowiziwin miinwaa aankesing okan gaagiidag nigo giizhigad maage niish jibwaa moogsemigag misko, gizhiibizhe, abishkwebiigag gidagizheng maajitaamigag. Maanzhi-aawang owi mamiitigo-omba-ibiise adaa niizaanad miinwaa adaa digosinon naghy zhiwomigag bichibowin, atoogan zhiwomigad bichibowin miinwaa gichiwaakigwe e-agigokaad.

BAAGISE WIININDIB AAKOZIWIN

Baagise wiinindib bichibowin adaa miigwemigadoon gichi niizaanag aakoziwinan, e'digosinon baagise wiinindib. Baagise wiinindib aawon gechi niizaanag bichibowin gewe bemaadizijig agaa wiiji ayaad wegwen gwa gagwech mena zhayaad bemaadizid ayaawid "bemiwidood" maage agaa wiiji ayaad bekaanizid bemaadizid yaakozid owi aakoziwin. Baagise wiinindib aakoziwe adaa miigwemigad bichiboowise omiskwiing miinwaa bichibowin owi wiinindib miinwaa odatagwaaganing.

GASHKADAAMIKANEWAAPINE

Gashkadaamikanewaapine maage gashkadaamikaneshkaa aawon neniizaanag aakoziwin enji zhiwebak giishpin azhashki ayaad owa gashkadaamikane manijoshens ani ayaad owi giishkishinan zhiwe naghy. Adaa miigwemigad ojibinigowin mashkowiziwinan miinwaa neniizaanag ojibinigowin.

MANIJOSHENS BICHIBOWIN OWI OJAANSH AAKOZIWIN

Aapaji gwa maanda niizaanad aakoziwin owi ojaansh, gondaagan miinwaa naghy. Miigwemigad gaagiji gondaagan, gazhiziwin miinwaa giikijing. Manijoshens bichibowin owi ojaansh aakoziwin adaa maanzhi-aawang owi neseng zinagizing, ode boonibidemigag miinwaa gaa-onji-nisidoziyin binaadag.

BABANE-NIBOOWISE'AAPINEWIN

Babane-niboowise'aapinewin aawon gechi niizaanag naapinewin gewe bemaadizijig age ondinimowaapa owi minikwe nibiish maage wiisiniging owi miijim e'digosinon owi babane-niboowise aakoziwi-manijoozhens. Miinwaa adaa swebide onji bezhig bemaadizid apiinish bekaanizid bemaadizid. Babane-niboowise'aapinewin adaa miigwemigad gaa-onji-nisidoziyin binaadag, niboowised gwaya kina bimaadiziwin miinwaa age nibokemigad.

ONIISKWAAPINE

Oniiskwaapine aawan aazhowemigag aakoziwin onji owi manijooshens miinwaa ezhi gikenjigaadeg owi gazhiziwin, dekwendibeng miinwaa age baaganowe, baagondaamkan miinwaa baagigweweng. Adaa miigwemigad maanzhi-aawang dibishko gonaa giigilshewin miinwaa baagisemigag wiinindib

MISKWANZHE

Miskwanzhe aawon aapaji gwa gechi aashowemigag manijooshens miniiwesin. Miigwemigad gichi gazhiziwin, osasdamang, gadagizim, ziizibi jaaneng miinwaa mishko oshkiizhigoon. Miskwanzhe adaa miigwemigad maanzhi-aawon dibisko gonaa miniiwitawageng miinwaa gichiwaakigwe e-agigokaad.

MASKWANZHEWIN

Maskwanzhewin aawon aazhowemigag aakoziwin onji manijooshens. Mashkwanzhewin adaa miigwemigad gazhiziwin, gadagizim, dekwendibeng, ziizibi jaaneng miinwaa mishko oshkiizhigoon miinwaa miskojaabishkaa (miskojaabishkaa). Adaa miigwemigad gichi niizaanawin gewe gigishkawaawasojig miinwaa ado binoojiinsimiwaan, miinwaa okanaapinewin gewe netaawigiji.

Gechi piitendaagwog zhibiigaansan:

E'skooniwijig gaawii eyaanziwaad memaanji ishkowii jiita-awaaganiwin enji zigakibiigaadeg adoo mina bimaadiziwin nakiigamig gnimaa adaa zaagidinaa skooniwid apiinish zigikibiiganan miigweng.

Giishpin dowendang owi jiita-awaaganiwin ayaamiwaad debwemigag bwaa dowendaagozisiwaad awii debinamiwaad aga bigosenimigwo awii ginondwaa gdo mina bimaadiziwin nakiigamig. E'gitiziingejig nendowendamowaad ado binoojinmiwaan dowendaagozisiwaad awii debinamiwaad nendowendaagwog jiita-awaaganiwin onji gaawii mashkikiwin ayaawong aabdeg ada zhaawog gikinomaagewin. Makwendan gewe binoojiing gaawii endowendaagozisiwaad awii debinamiwaad jiita-awaaganiwin woshme niizaanawog awii debinamiwaad aakoziwin miinwaa gnimaa adaa zagidinigaaziwog gikinomaage gamigoong epiichi bimisemigag aakoziwin.

Ginoosh gdo mina bimaadiziwin nakiigamig awii wiindamaageyin gdo binoojiinim ado jiita-awaaganiwin zigakibiiganan.